



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-317-9/22**
Datum: **02.09.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu korisnika „ŠEVIGON“ d.o.o. Ključ, za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Velečevo, Općina Ključ, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku (Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „ŠEVIGON“ d.o.o. Ključ, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Velečevo, na zemljištu označenom kao k.č. broj: 14/12 i 14/13 (581) K.O. Velečevo, u naselju Velečevo, Općina Ključ.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske pumpne stanice sa pratećim sadržajima (za koje je izdano odobrenje za građenje i upotreba dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnim rezervoarima ukupnog kapaciteta 120 m³, uz primjenu sistema automatske dojave o procurenju međuplašnog prostora.
 - 3.3. Korisnik objekta obavezan je redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
 - 3.4. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.5. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.6. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.7. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvede do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent.
 - 3.8. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji

će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.9. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.10. Da se redovno vrši monitoring prečišćene oborinske onečišćene vode iz okna za monitoring shodno članu 19. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe.
- 3.11. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Sl. novine F BiH», broj 14/10).
- 3.12. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.13. Talog iz separatora kao ni ostali opasni materijal i opad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „ŠEVIGON“ d.o.o. Ključ je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godine dana, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „ŠEVIGON“ d.o.o. Ključ, obratilo se ovoj Agenciji dana 15.06.2022. godine zahtjevom za izdavanje vodne dozvole za promet opasnih materija kao i proizvoda od tih materija koje nakon upotrebe dopijevaju u vode sa lokacije objekta benzinske pumpne stanice sa pratećim sadržajima, izgrađenog u naselju Velečevo, Općina Ključ.

U provedenom postupku, uz zahtjev za izdavanje vodne dozvole, broj: 01-2022 od 15.06.2022. godine (zaprимljen dana 21.06.2022. godine) dostavljena je i pregledana slijedeća dokumentacija:

- Rješenje o registraciji, izdano pod brojem 017-0-Reg-11-000078 dana 08.02.2011. godine, od strane Općinskog suda u Bihaću (kopija),
- Uvjerjenje o registraciji/upisu u Jedinstveni registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine pod brojem 04/1-17-1-35-75-37/11, dana 22.02.2011. godine (kopija),
- Ovjerena kopija naloga za plaćanje upravne pristojbe,

- Rješenje, kojim se izdaje obnovljena okolišna dozvola operatoru „ŠEVIGON“ d.o.o. Ključ, za objekat benzinske pumpe koja se nalazi u naselju Velečevo, općina Ključ, na zemljištu označenom kao k.č. broj: 14/12 i 14/13 k.o. Velečevo, Općina Ključ, kapaciteta spremnika za gorivo 120 m³; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-23-11944-UP-1/17, dana 15.12.2017. godine, u Bihaću (kopija),
- Uvjerjenje, kojim se uvjerava – potvrđuje da su parcele označene kao k.č. broj: 14/12 i 14/13, K.O. Velečevo nalazeće u naselju Velečevo neposredno uz magistralni put M5 pripadju URBANOM PODRUČJU naselja Velečevo, a zemljište kao takvo predviđeno u namjenu individualnih stambenih, stambeno-poslovnih i poslovnih objekata. Za navedeno područje, općina Ključ, ne posjeduje Regulatorni plan – plan sa tačno utvrđenom namjenom parcela i planom parcelacije ali posjeduje važeći Prostorni plan općine Ključ 2006-2026, objavljen u Službenom glasniku općine Ključ broj: 6/07. Na navedenim parcelama je Hadžić Šaban u svojstvu investitora godine 1999., uz prethodno pribavljanje određenih saglasnosti od ustanova i institucija pribavio od ove Službe urbanističku suglasnost broj: 03-23-1-430/99 i odobrenje za izgradnju benzinske pumpe broj: 03-23-431/99 sada „Ševigon“ doo Velečevo sa pratećim sadržajima a zatim navedeni poslovni objekat i izgradio. Objekat je u upotrebi unazad više godina, tačnije od 2002. godine rješenjem Službe za privredu, financije i budžet općine Ključ; dato od strane Službe za prostorno uređenje, stambeno-komunalne i imovinsko pravne poslove Općine Ključ pod brojem 03-23-3-1914/17, dana 31.08.2017. godine (kopija sa priloženom kartom predmetnog područja),
- Rješenje o izmjeni i dopuni odobrenja za građenje, kojim se odobrava Hadžić (Isak) Šabanu iz Velečeva, izmjena i dopuna odobrenja za građenje – rješenja ove službe br. 03-23-431/99 od 22.04.1999. godine kojim mu je bilo odobreno izvođenje građevinskog objekta – benzinske pumpe sa pratećim objektom (stambeno poslovni) na lokaciji u naselju Velečevo; izdano od strane Službe za prostorno uređenje, imovinsko pravne poslove i katastar nekretnina pod brojem 03-23-2-206/06, dana 13.04.2006. godine (kopija),
- Rješenje, kojim se utvrđuje da su izvedeni radovi na izgradnji i uređenju poslovnog prostora – Trgovina, šop, autodijelova, autokozmetike i sl. sa uredom, ostrvom i sanitarnim čvorom uz benzinsku pumpu „Ševigon“ Velečevo po investitoru Hadžić Šabana a trenutno u posjedu – vlasništvu doo „ŠEVIGON“ Ključ, nalazećeg u prizemlju postojećeg individualnog stambeno poslovnog objekta spratnosti P+1+Pt u naselju Velečevo ukupne korisne površine 82,00 m², izvedeni u skladu sa tehničkim propisima, normativima i standardima za ovakvu vrstu prostora odnosno da je poslovni prostor tehnički ispravan te se kao takav može koristiti; izdano od strane Službe za prostorno uređenje, stambeno komunalne, imovinsko-pravne, geodetske poslove i katastar nekretnina Općine Ključ pod brojem 03-23-3-243/09, dana 20.10.2009. godine (kopija),
- Ugovor o pružanju komunalnih usluga zaključen dana 23.06.2022. godine u Ključu pod brojem 760-PL/2022 sa JKP „RAD“ d.o.o. Ključ, a predmet kojeg je obavljanje komunalnih usluga prikupljanja, odvoza i deponovanja otpada za potrebe „ŠEVIGON“ d.o.o. Ključ (kopija),
- Izvještaj o monitoringu kvaliteta i kvantiteta otpadnih voda benzinske pumpe „ŠEVIGON“, Velečevo, Ključ, urađen od strane Inspekt – RGH d.o.o. Sarajevo pod brojem 936/21, dana 24.05.2021. godine,
- Zaključak o visini i roku za plaćanje posebnih troškova, broj: UP-1/21-3-40-317-7/22 od 22.08.2022. godine te kopija naloga za plaćanje istih,
- Upit o plaćanju PVN-a od 05. jula 2022. godine (kopija e-maila),
- Upit o plaćanju PVN-a od 26. jula 2022. godine te odgovor Službe za naplatu prihoda (vodnih akata) Sektora za ekonomske, pravne, kadrovske i opšte poslove Agencije da obveznik redovno izmiruje svoje obaveze te da nema dugovanja prema Agenciji (kopija e-maila).

Nakon pregleda dostavljene dokumentacije, utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske pumpne stanice sa pratećim sadržajima „ŠEVIGON“ d.o.o. Ključ, izgrađen u naselju Velečevo, Općina Ključ, i tom prilikom sačinjen zapisnik o uviđaju broj: UP-1/21-3-40-317-8/22, dana 31.08.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt benzinske pumpne stanice sa pratećim sadržajima „ŠEVIGON“ d.o.o. Ključ, izgrađen je sa desne strane magistralne ceste M15 (Bihać – Jajce), u naselju Velečevo, Općina Ključ. Izvedeni su sadržaji maloprodajnog mjesta sa sanitarnim i upravnim prostorijama, nadstrešnice iznad aparata za istakanje goriva, spremnika za gorivo, separatora ulja i masti, internih saobraćajnih i parkirnih površina te zelenila. Gorivo se dovozi autocisternama i pretače u dva ukopana dvoplašna spremnika, ukupnog kapaciteta 120 m³. Sanitarne otpadne vode iz maloprodajnog objekta su kanalizacionim cijevima sprovedene do septika. Oborinske

vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do zacijepljenog kanala oborinskih voda, koji se ispod trupa magistralne ceste odvodi do ispusta u korito kanalisnog potoka, posredno u korito rijeke Sane. Oborinske vode sa manipulativnih i pretakališnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama i slivnicima te preko separatora ulja i masti ispuštaju u zacijepljeni kanal oborinskih voda magistralne ceste.

Od strane Službe za prikupljanje prihoda od vodnih naknada je dobijena potvrda da korisnik predmetnog objekta redovito izvršava obaveze plaćanja posebnih vodnih naknada.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdato ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „ŠEVIGON” d.o.o. Ključ, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „ŠEVIGON” d.o.o. Ključ, Velečevo bb, 79 280 Ključ,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava